

حتى لا يصبح مناخها مثل "الخليج".. خبير يحذر من "التوسع" في مصر



الأربعاء 17 يوليو 2024 10:56 م

▲ يمر مشروع توسعة الطريق الدائري الجديد في العاصمة المصرية القاهرة على منطقة جزيرة الذهب في نهر النيل، التي كانت في السابق أرضا زراعية خصبة، لكن غياب ضوء الشمس عن قطاع منها كان سببا في بوارها

وقال أستاذ الهندسة المعمارية بجامعة القاهرة، نبيل الهادي، الذي ركزت دراساته على التوسع الحضري وتأثيره على تغير المناخ، لوكالة رويترز، "إننا واقفين في جزيرة الذهب وورانا (خلفنا) دلوقتي الطريق الدائري الذي باين من الطريق الدائري ده التوسعة الجديدة اللي اتعملت تقريبا من حوالي سنتين التوسعة دي تقريبا وسعت الطريق الدائري بما يعادل تقريبا 100 بالمئة من حجمه والتوسعة دي نتيجة إنها عريضة جدا ومعديبة على جزيرة الذهب هي عندها مشكلة كبيرة لأن عندها طبعاً زي ما إحنا شوفنا (رأينا) دلوقتي أن الأراضي الزراعية اللي هي عدت من فوقها ما بقاش يجيلها ضوء واتدمرت".

وأضاف أن الاتجاه للتوسع الحضري في مصر أدى إلى فقدان مساحات خضراء على نطاق واسع واقتلاع الأشجار مما أدى بالتالي إلى ارتفاع درجات الحرارة

وقال الهادي: "قلة المساحات الخضراء في مصر طبيعية فالحقيقة مصر جزء من حاجة بنسبها 'بايوم' كبير كده أو مجال أحيائي، اللي هو الصحراء الكبرى مصر لحد البحر الأحمر هي جزء من الصحراء الكبرى وبالتالي هي طبيعتها الأصلية صحراء الأشجار اللي فيها قليلة جدا والخضرة اللي فيها قليلة جدا اللي بيحصل إن اللي خلى مصر تعيش في الحقيقة هو نهر النيل ... لأن هو في الحقيقة خلق البيئة الطبيعية".

وأضاف: "وجود العمران ... سواء المباني أو الشوارع أو الأرضيات الصلبة دي كلها بتحجز الحرارة إنها تمتص أو تخش وتمشي في مسارها الطبيعي بتاعها وبتعكسها تاني ففي الحقيقة وجود العمران هو بالأساس بيزود الحرارة في المكان اللي هو فيه أي مكان عمراني بالذات كل ما كان كثيفا، بتكون فيه الحرارة زيادة كل ما في طرقات بقي فيها حرارة زيادة العمران مرتبط بزيادة الحرارة وقلّة العمران والنظام الطبيعي الأصلي بيخلي الحرارة أقرب لطبيعتها في الحقيقة".

وقال الهادي: "أواخر القرن التاسع عشر وأوائل القرن العشرين، وبعدين كل القرن العشرين لحد دلوقتي، العمران في مصر تضاعف عشرات، إن لم يكن مئات المرات عن المساحة الأصلية الموجودة وأغلب الزيادة دي أو جزء كبير منها تم على أراض زراعية الأراضي الزراعية ليست منظومة طبيعية أصلية بس (لكن) هي لسه بتشتغل قريب شوية للمنظومة الطبيعية، فهي بتمتص ثاني أكسيد الكربون وبتساعد في التحكم في درجات الحرارة في الأماكن اللي هي موجودة فيها".

ووفقا لبيانات منظمة "غلوبال فورست ووتش" المعنية بمراقبة الغابات بأثناء العالم، فقدت مصر 1810 أفدنة تقريبا من الغطاء الشجري في الفترة من 2001 إلى 2023، أي ما يعادل انخفاضا 1.2 بالمئة في الغطاء الشجري منذ عام 2000.